



Republika e Kosovës
Republika Kosovo / Republic of Kosovo



Kuvendi i Komunës Rahovec

RAHOVEC / ORAHOVAC

Opština Skupština Rahovac/Municipality of Rahovec

Njësia Nr./Br./No 01(Kuvendi i Komunës)

Nr./Br./No 01/104 Nr. i faq./Br. str./No. pg 11

Data/Datum/Date 29 109 / 2020

PROCESVERBAL

Nga mbledhja e rregullt e Kuvendit Komunal të Rahovecit, e mbajtur më 27.08.2020, me fillim në ora 10:00. Mbledhjen e kryesoi: Kryesuesi i Kuvendit z. Afrim Dina. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t’iu përshëndes, i nderuar Kryetar i Komunës z. Smajl Latifi, nënkryetar i Komunës z. Fatmir Iska, të nderuar kuvendarë, drejtorë të drejtorive komunale, përfaqësues të mediave dhe ju gjithë të pranishëm!

Për këtë mbledhje sot propozojmë këtë:

REND DITE

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi i Raportit të Auditimit të Pasqyrave Financiare të Komunës së Rahovecit,
4. Rishqyrtimi dhe aprovimi i Propozim vendimit të Kryetarit të Komunës për bartjen e mjeteve nga rezervat e buxhetit komunal, nga kategoria e pozicionit të pagave në kategorinë e investimeve kapitale,
5. Shqyrtimi dhe aprovimi i propozim vendimit të Kryetarit të Komunës për dhënien në shfrytëzim afatshkurtër të pronës komunale P-71510057-07998-0 në Rahovec,
6. Shqyrtimi dhe aprovimi i propozim vendimit të Kryetarit të Komunës për dhënien në shfrytëzim afatshkurtër të pronës komunale P-71510057-04475-0 në Rahovec,
7. Shqyrtimi dhe aprovimi i Propozim vendimit të Kryetarit të Komunës për dhënien në shfrytëzim afatshkurtër të pronës komunale P-71510057-04381-0,
8. Shqyrtimi dhe aprovimi i Propozim vendimit të Kryetarit të Komunës për emërtimin e Muzeut të Qytetit “Ali (Bajram) Hasku”,
9. Shqyrtimi dhe aprovimi i Propozim vendimit të Kryetarit të Komunës për shfuqizimin e vendimit 01-Nr.90/20 të datës 29.07.2020 për dhënien në shfrytëzim afatgjatë.

Të nderuar kuvendarë, para se ta aprovojmë rendin e ditës, propozoj dhe kërkoj nga ju që pikën e katërt të rendit të ditës ta trajtojmë apo ta bartim në pikën e tretë dhe pikën e tretë ta kalojmë në pikën e katërt, për shkak që drejtorisë së Financave i duhet detyrimisht sot të udhëtojnë për Ministri që me pas vendimin e gatshëm. Atëherë e qesim në votim rendin e ditës. Konstatojmë se unanimisht aprovohet rendi i ditës. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

A ka dikush diçka rreth pikës së parë, nëse jo e qesim në votim. Konstatoj se unanimisht aprovohet pika e parë e rendit të ditës. Kalojmë në pikën e dytë të rendit të ditës:

4. Rishqyrtimi dhe aprovimi i propozim vendimit të Kryetarit të Komunës për bartjen e mjeteve nga rezervat e buxhetit komunal nga kategoria e pozicionit të pagave në kategorinë e investimeve kapitale.

Afrim Limani – Përshëndetje për ju kryesues, kryetar, nënkryetar, ju asambleistë dhe gjithë ju të pranishëm. Në fakt kjo pikë e rendit të ditës, pra bartja e fondit rezervë ka kaluar në një seancë të jashtëzakonshme më herët. Mirëpo për shkak të rishikimit të buxhetit në kuadër të nivelit qendror, pra shuma e cila ka qenë prej 1,370,000 euro, pra një sasi me vlerë prej 93,595 euro është zbritur, kështu që sipas ligjit detyrimisht duhet të dalim prapë në Kuvend. Arsyeja pse është zbritur shuma është sepse këtë shumë e kanë bartur në pozicionin e pagave dhe mëditjeve në kuadër të organizatës tonë, e cila shumë gjatë muajit shkurt dhe mars, për shkak të pandemisë nga kjo vlerë janë paguar punëtorët e shëndetësisë, zjarrfikësve dhe të inspektionit. Vlera për bartje tani është 993,344 euro d.m.th. nuk ka ndryshuar në kuadër të projekteve të mëhershme që kemi pasur por vetëm që kemi shkuar në reduktim pra zbritje të vlerave të kësaj shume. Ju falënderoj shumë juve për këtë mirëkuptim dhe kërkoj nga ju që ta votoni këtë pikë të rendit të ditës.

Kryesuesi – Faleminderit drejtor, pikërisht me datën: 09.08.2020 kemi pasur mbledhjen e jashtëzakonshme, pikërisht për këtë pikë të rendit të ditës dhe siç e shpjegoj edhe drejtori për shkak të rishikimit të buxhetit, ne duhet që ta aprovojmë prapë këtë pikë të rendit të ditës. A ka dikush diçka që dëshiron me marr fjalën dhe nëse nuk kemi e qesim në votim pikën e dytë të rendit të ditës. Konstatojmë se unanimisht aprovohet pika e dytë e rendit të ditës. Kalojmë në pikën e tretë të rendit të ditës:

2. Pyetjet dhe përgjigjet në pyetjet e kuvendarëve.

Ali Zhuniqi – Pyetja ime i adresohet drejtorit të arsimit në lidhje me një konkurs i cili është hapur për lëndën e gjeografisë dhe për orët që janë shpallur aty, fjala është për një arsimtar i cili ka pasur të siguruara orët dhe ka pasur kontratë deri me 31 të këtij muaji edhe duke pasur parasysh se personi në fjalë ka pasur përgatitje profesionale për llojin e punës dhe po ashtu ka edhe licencë për punën që e bën aty dhe nga ana e drejtorit ka marr vlerësimet maksimale si arsimtar i përgjegjshëm. Atëherë pse drejtor keni hapur një konkurs të jashtëm kur personi në fjalë për dy vite ju ka vazhduar kontrata ndërsa për një kohë të caktuar ja keni ndërprerë kontratën. A ka mundësi me na dhanë sqarime rreth kësaj?

Fehmi Cena - Përshëndetje kryesues për ju, kryetarin, nënkryetarin, drejtorët, kolegë këshilltarë dhe gjithë që janë prezentë në këtë sallë. Pyetja ime i adresohet kryetarit të komunës, ku në njërin nga mbledhjet e kaluara të Kuvendit Komunal me kërkesën e Kryetarit të Komunës e kemi votuar një nismë për bashkëpunim komunal ndërmjet komunës së Rahovecit dhe komunës së Gjakovës si dhe Ministrisë së Pushtetit Lokal në lidhje me investimet infrastrukturore për rregullimin e pendës tek Ura e Fshejtë. Pyetja ime është se a është punuar diçka në këtë drejtim dhe nëse po deri ku kanë shkuar këto punime?

Dervish Çadraku – Përshëndetje për të gjithë, unë kam një pyetje pasi qytetarët pyesin për gjendjen e pandemisë Covid-19 dhe pyetja për kryetarin është se ata që janë të diagnostifikuar me Covid-19, a e kanë për obligim mjekët ose punëtorët shëndetësorë pra QKMF-ja që ti vizitoj në shtëpi apo duhet të vijnë ata që ti marrin shërbimet në ambulantë sepse tash me krijimin e ligjit të ri atëherë një i infektuar që del në rrugë do të dënohet me gjobë me mijëra euro. Dhe nëse ndodh kështu dhe njerëzit dalin edhe i marrin shërbimet në ambulantë atëherë shfaqen dy rreziqe, pra i pari është se ata mund të dënohen dhe i dyti që mund të infektojnë edhe të tjerët. A e kanë për obligim që të shkojnë mjekët atje dhe të japin shërbimet e duhura. Faleminderit!

Trajko Shariq – Përshëndetje për të gjithë të pranishmit. Çështjen që dua të ngris është në lidhje me problemet infrastrukturore në lagjen e epërme gjegjësisht me ujërat e zeza pra problemet me kanalizim tek qeshmja pasi ka mbi një vite që nuk po zgjidhët ky problem. Gjithashtu është problemi i ndriçimit publik ku dita ditës ka probleme edhe me të mëdha edhe nuk po zgjidhen ato.

Munib Durguti – Faleminderit kryesues, përshëndetje për të gjithë. Unë desha me ngritë shqetësimin ditëve të fundit rreth infrastrukturës rrugore të shkaktuara nga të reshurat e mëdha të shiut, ku kemi shumë rrugë në qytet dhe nëpër fshatra që vërshohen dhe krijojnë probleme të mëdha e po ashtu edhe në ekonomitë familjare. Kërkesa ime konkrete do të jetë që për vitin 2021 komuna a do ta trajtoj këtë problematike që të evitoj këto probleme me ndonjë projekt konkret e sidomos nga semafori e deri te stacioni i autobusëve. Ky problem nuk po them që tani është krijuar por ky problem me dekada përcillet çdo vit. Po ashtu janë edhe disa rrugica të cilat me një investim të vogël mund të trajtohen dhe të përmirësohet gjendja e tyre dhe kërkoj nga drejtori i shërbimeve publike që të jetë më aktiv pasi tani jemi në periudhën ku shirat janë ende kërcënim i madh dhe me një afat të caktuar që trajtohen këto rrugë dhe rrugica.

Shqipe Kryeziu – Faleminderit kryesues, përshëndetje për të gjithë. Pyetja ime i adresohet drejtorit të arsimit që me na dhanë një sqarim në pika shume të shkurta se a ka fillua me dezinfektimin e shkollave që do të filloj procesi mësimor dhe a është i përgatitur edhe për shenjëzimin e nxënësve për distancën, pra kërkojmë një sqarim të vogël rreth kësaj, pasi besoj që për këtë pune është marr edhe kryetari rreth fillimit të procesit mësimor.

Aferdita Thaqi – Përshëndetje për të gjithë. Unë kam një kërkesë që të largohen këto lista pasi ato barten nga njeri te tjetri dhe munden me qenë burim i përhapjes së infeksionit dhe kërkoj që të anulohen këto lista për shkak të pandemisë.

Sali Sallteku – Faleminderit kryesues, përshëndetje për të gjithë. Siç e potencoj edhe parafolësja që ta keni parasysh këtë dhe po ashtu edhe ju kryesues duhet që mbledhja të kryhet sa më shpejt pasi jemi në numër të madh në sallë të kuvendit dhe mendoj se kjo është kërkesë e të gjithëve pasi jemi në gjendje të jashtëzakonshme edhe me krye sa më shpejt që është e mundur për shkak të gjendjes së pandemisë.

Ali Zhuniqi – Mëqenese jemi në prag të fillimit të procesit mësimor kisha kërkuar sqarim nga ana e drejtorit të arsimit e poashtu edhe nga ana e Kryetarit të Komunës që sigurisht edhe duhet me ditë, se a keni mundur me identifikua se sa arsimtar eventualisht janë të prekur me Covid-19 edhe i kanë bërë parapërgatitjet sa i përket ambientit të objekteve shkollave.

Kryetari – Përshëndetje kryesues, nënkryetar, drejtorë të drejtorive, anëtarë të kuvendit, ju që përcjellni mbledhjen e rregullt të Kuvendit komunal. Për konkursin e jashtëm do të përgjigjet drejtori i arsimit në seancën e ardhshme të kuvendit komunal pasi janë çështje që i din DKA-ja. Ne do të i përgjigjemi konkretisht dhe shumë shkurt, rreth memorandumit të mirëkuptimit me komunën e Gjakovës për projektin infrastrukturor respektivisht për ndërtimin e pendës tek Ura e Fshejtë, ka qenë një aplikim në Ministrinë e Administrimit dhe Pushtetit Lokal para një viti e gjysme apo dy vite mirëpo ka dështuar ai projekt. Pyetja nga asamblesiti Dervish Çadraku, njerëzit apo qytetarët që janë të infektuar me virusin Corona dhe që janë të izoluar dhe që marrin shërbimet mjekësore QMF dhe AMF, në qoftëse ata janë të mbrojtur edhe me maska, shërbimet tona i japin mjekët infermieret dhe ata që i japin janë të mbrojtur për shkak se i kanë maskat dhe dorëzat. Kjo është terapi që e japin mjekët dhe infermieret tanë pasi kontaktet janë të vazhdueshme çdo ditë me kërkesën e tyre me mjekët dhe infermierët edhe sigurisht së vijnë edhe te shtëpia e kryejnë shërbimin por sigurisht mund të bëjnë edhe në ambulantat apo QMF-të me të afërt sipas rastit apo nevojës. Tek reshjet e mëdha dhe vërshimet që shkaktohen shirat e rrëmbyeshëm që e kaplojnë qytetin dhe që tash në kohë të fundit janë të shpeshta, ne tani e kemi në vlerësim tenderin për hapjen e kanalit me beton apo ndërtimin e kanalit me beton prej Lab-oil e deri te lumi Dulllo i cili është një projekt që shpresojmë që sa më shpejt me ja nis. Për rrugicat dhe rrugët, ato ndërhyrje ne kemi kontratë me kompaninë për intervenime emergjente por nganjëherë s'po kemi edhe mjete financiare. Në pyetjen e parashtruar nga Trajko Shariq te ndriçimi publik në lagjen e epërme dhe trajtimin e ujërave të zeza, që kemi nganjëherë probleme dhe ballafaqime me mungesë të mjeteve financiare por e rëndësishme është kemi kontratë dhe ne rastin e parë do të ndërhyjmë në lagjen e epërme në dy aspektet pra

edhe ne ndriçim publik por edhe në ujërat e zeza dhe jo vetëm aty por çdo vend ku ka mundësi kompania për ndriçim publik është duke punuar dhe sigurisht që janë duke shkuar me radhë duke pasur parasysh edhe mungesën e kapaciteteve që me fillua në të njëjtën kohë në 3-4 vende lagje apo fshatra edhe besoj që jemi në ecuri sa i takon ndriçimit publik dhe ujërave të zeza. Ne sot kemi mbajtur një takim me drejtorët e shkollave dhe koordinatorët e cilësisë bashkë me drejtorin e arsimit dhe objektet do të dezinfektohen dhe pas dezinfektimit do të filloj procesi edukativo arsimor në shkollat tona prej parashkollloreve sipas masterplanit që ka paraparë Ministria e Arsimit dhe Shkencës e cila është në koordinim të plotë edhe me institucionet tjera si Ministrinë e Shëndetësisë dhe instrumentet apo mekanizmat tjerë që kujdesen për mbarëvajtjen apo fillimin e mbarë të procesit edukativo arsimor në shkollat tona duke ju përshtatur kushteve të pandemisë, duke ditur se çka nëse infektohet një mësimdhënës apo nxënës duke ditur se rreziku është i madhe por ne të gjitha përgatitjet jemi duke i bërë dhe jemi në finale natyrisht dhe ditën e parë kur të fillon mësimi ne ato shkolla nuk do hyn askush në shkolla as nxënësit mësimdhënësit apo drejtorët pa qenë e dezinfektuar dhe sigurisht që përgjegjësia është e jona pra e shtetit dhe sigurisht që kemi kërkuar që ta marrin një pjesë të përgjegjësisë edhe drejtoret dhe organet drejtuese të shkollave për t'i respektuar maksimalisht masat dhe rekomandimet udhëzimet manualin dhe rregullat si masë mbrojtëse për parandalimin se përhapjes se infeksionit. I kemi edhe katër ditë në dispozicion po ashtu edhe për testin e maturës jemi përgatitë në ato shkolla ku do të mbahet testi i maturës do të respektohen këto kritere, pra jam dakord për të gjitha ato që i ngriti Shqipe Kryeziu dhe Ali Zhuniqi, normalisht që edhe ne jemi dakord me fillua procesi edukativo arsimor në kushte pandemie por normalisht duke u bazuar në skenarë dhe gjithë atyre që i frekuentojnë objektet shkollore është prioritet e po ashtu krahas kësaj është edhe funksionimi i jetës pasi virusi ekziston dhe vret dhe sikurse edhe vendet tjera edhe te ne duhet me gjet forma për me vazhdua që me funksionua jeta edhe ne si shoqëri edhe investimet, edhe arsimit pastaj shëndetësia që të gjitha duhet me funksionua duke u përshtatur me kushtet dhe rrethanat e reja që i ka imponue pandemia. Unë nuk po shoh diçka tjetër edhe nuk po dua me zgjat më shumë, për të gjitha shqetësimet që i ngriti Afërdita ka forma dhe modalitete por nënshkrimet duhet me u kon për shkak se është rregull. Faleminderit shumë!

Kryesuesi – Faleminderit shume kryetar për informacionet, të nderuar kolegë kuvendarë, kalojmë në pikën e tretë të rendit të ditës:

3. Shqyrtimi i Raportit të Auditimit të Pasqyrave Financiare të Komunës së Rahovecit.

Afrim Limani – Përshëndetje për të gjithë. Auditimi i Pasqyrave Financiare të Komunës së Rahovecit për vitin 2019 ka dalë pra ka rezultuar pozitiv apo i modifikuar në theksim të çështjes. Për dallim prej viteve tjera në të cilën theksimi i çështjes është kryesisht ne disa pika, kësaj here theksimi i çështjes është kuadër të një pike dhe lirisht mund të ju them se është një prej raporteve me te mira në komunën e Rahovecit. Me këtë ne nuk duhet të jemi të kënaqur pasi akoma ka hapësire dhe vend për përmirësime të mëtutjeshme sepse vet rekomandimet që janë 14 rekomandime që janë disa rekomandime që na kanë ikur për shkak se ndoshta kemi mundur me i zbatua. Krejt materiali pra përmbajtja e këtij materiali është e theksuar me 14 rekomandime në fund të këtij raporti që për dallim prej viteve të kaluara kemi ne minus rekomandime pra 14 rekomandime. Unë më tepër nuk dua të zgjatem por ju lë hapësirë juve për pyetje.

Florida Bajraktari – Përshëndetje për të gjithë. Raportin e auditimit për pasqyrat financiare për komunën e Rahovecit e kam lexuar me vëmendje dhe unë pashë disa çështje që i ka cekur auditori por unë do të ndalem te faqe 10 tek çështja A1 keq klasifikimi i shpenzimeve. Sipas Auditorit të Përgjithshëm për shkak të auditimit të dobët, për të audituar të gjitha shpenzimet në kategorinë e mallrave dhe shërbimeve, komuna jonë nga investimet kapitale ka paguar 120,000 euro për mallra dhe shërbime. Gjithashtu në bazë të vendimeve të gjykatës përmbarimore, vlera prej 105,373 euro është regjistruar në kategoritë ekonomike jo adekuade. Nga investimet kapitale dhe nga mallrat dhe shërbimet janë paguar 72,010 euro për paga jubilarë dhe përcjellëse ndërsa për mallrat dhe shërbimet janë paguar 33,363 euro për investimet kapitale. Është mirë që në të ardhmen të bëhet planifikimi i mirë i buxhetit nëpër kategoritë ekonomike në mënyrë që të mos kemi vërejtje nga

Auditori i Përgjithshëm për keq klasifikim të shpenzimeve. Pastaj tek çështja C3 faqe 14 sipas Auditorit të Përgjithshëm kemi pagesa të shpenzimeve para marrjes së shërbimit dhe mos dokumentimi i tyre.

Fehmi Cena – Përshëndetje për të gjithë. Raporti i Auditimit të pasqyrave financiare të komunës së Rahovecit për mua është i qartë dhe është interpretuar në 3 hallka kryesore: ne pasqyrat financiare vjetore, menaxhimi financiar dhe kontrolli dhe zbatimi i rekomandimeve. Konkluzionet e auditorit janë se edhe përkundër asaj që janë shënuar përmirësime dhe janë marr parasysh edhe disa sugjerime të mëhershme, megjithatë edhe raporti ka mjaft të gjetura të parregullta dhe mbi këtë bazë edhe ZKA-ja ka dhënë 14 rekomandime. Në krahasim me vitin paraprak që ishin 21 mirëpo megjithatë në vete ngërthen një parregullsi dhe çështje të ngritura. Në të gjitha hallkat financiare ku është bërë auditimi ka gjetje të parregullta dhe çështje të ngritura veç rezultateve dhe rekomandimeve brenda. Më shqetësuese për ne delegatët është shumica e këtyre çështjeve po përsëriten vite pas viti dhe për pasojë edhe po janë edhe rekomandimet e njëjta. Unë dua t'i diskutoj disa çështje me radhë dhe po filloj nga faqja e 10-të, tek planifikimi dhe realizimi i buxhetit, që u ngritë edhe nga parafolësja si çështje A1 që korrespondon me rekomandimin 1 si keq klasifikimi i shpenzimeve, që u cekë ajo shuma goxha e madhe prej 225,373 euro që ka qenë në keq klasifikim ku janë përzier jo vetëm kodet buxhetore por edhe kategoritë që janë shpenzuar si kontratë 120,000 për shërbime dhe mallra nga investimet kapitale, pastaj afër 105,000 për paga jubilarë. Por ajo që është shqetësuese për mua si delegatë është obligimi shtesë që ka hy komuna për shkak të procedurave përmbartimore gjyqësore prej 14,406 euro shtesë që nuk ka qenë e planifikuar, e kjo tash në planifikim jo të mirë dhe të dobët dhe shpenzim jo të drejtë ashtu siç ceket edhe nga auditori. Tek shpenzimet e fondeve në raport me burimet e fondeve për këtë vit pra për vitin 2019 është me mirë ne raport me vitin 2018, shpenzimet kanë qenë diku 97% që është ne rregull. Tek të hyrat çështjen 1 po e potencoj që korrespondon me rekomandimin 2, numër i madhe i ankesave të bazuara nga qytetarët nga shërbimi në tatimin pronë, ku kemi diku 221 ankesa nga qytetarët dhe vetëm 9 kanë qenë pabazuara pra shumica kanë qenë bazuara pra të shikohet që në këtë shërbim të bëhet puna me drejtë në mënyrë që vlerësimi i pronave të paluajtshme është mangësi në menaxhimin në personel. Përsëri është një çështje që po përsëritet te drejtoria për siguri dhe emergjencë ku auditori thotë se nuk ka kosto të mjaftueshme sidomos te aty potencohet për kornizat shtesë që unë mendoj se ato paguhen prej buxhetit komunal dhe për mua nuk është e qartë se pse auditori nuk ka qasje në ato shpenzime shtesë për punëtorët e kësaj drejtorie. Mallrat dhe shërbimet janë të ngritura, që është çështje e investimeve kapitale janë të ngritura pra dy çështje që unë mendoj se janë mjaft serioze. Te pasuritë kapitale dhe jo kapitale gjithashtu kemi dy çështje që pastaj vijnë edhe rekomandime dy, llogarite të arkëtueshme gjithashtu kemi dy çështje, funksionimi i auditorit të brendshëm gjithashtu ka vërejtje edhe kjo po përsëritet gjithashtu dhe ne e dimë rolin e auditorit të brendshëm se cili është. Tash unë nuk dua të ndalem në të gjitha çështjet hollësisht me i debatue me i diskutue pasi ato janë të shkruara qartë dhe mendoj se për shkak të kohës se janë edhe delegat tjerë që do të diskutojnë, por ajo çka dua të them është kështu, pasi qeveria lokale ka nevojë për përmirësime në bazë të këtij auditimi sidomos në planifikimin me të mirë të buxhetit dhe shpenzim me të drejtë. Qëllimi është që paraja publike të shpenzohet sa më drejtë dhe të shkojë aty ku duhet pra drejtpërdrejt në cilësinë e jetës së qytetarit.

Hanalora Hoti – Faleminderit kryesues. Unë desha të lidhem te pika mallrat dhe shërbimet përkatësisht tek çështja C2, ku thuhet se ka vonesa në pagesën e faturave të cilat variojnë nga 5-10 muaj, që janë pikërisht 4 faturat e vitit 2018 me vlerë prej 29,299 euro dhe tetë fatura të vitit 2019 me vlerë prej 21,750 euro që kanë rezultuar me vonesa në pagesë duke kaluar kështu afatet kohore. Tjetër pikë që desha me u lidhe është investimet kapitale që është çështja B2 ku janë kontratat e nënshkruara për projekte infrastrukturore ku në bazë të të gjeturave thuhet se vlera e kontratave të nënshkruara i përfundojnë shumatat e parapara me ligjin e buxhetit, që janë 3 projekte dhe njeri prej tyre është Ndërtimi i rrugës me katër korsi nga Rahoveci deri në Xërxe për vitin 2019 dhe dy vitet pasuese që janë paraparë me vlerë prej 3,400,000 euro ndërsa janë

nënshkruar 3 kontrata me lote 1,2 dhe 3 me vlerë prej 6,513,954 euro, ku janë parapare 800,00 euro ndërsa kontrata është nënshkruar me vlerë prej 898,888 euro, diferencë prej 98,888 euro pra edhe kjo shumë është e pambulueshme nga ligji i buxhetit. Të gjitha këto kanë ndodhur për shkak të vlerësimeve jo reale të kostove financiare të projekteve me rastin e buxhetimit të tyre.

Dervish Çadraku – Faleminderit kryesues, edhe unë nuk do të zgjatëm shumë pasi shumëçka u tha edhe sigurisht nuk do të dal me i mençur se auditimi sepse vërejtjet që i kanë bërë auditorët në materialin që i kanë marr nga komuna janë të mjaftueshme për ju që me i pa gabimet se ku i keni bërë dhe drejtori tha se jemi mirë pasi kemi pasur 21 vërejtje kurse tash kemi 14-të por ende kemi vërejtje të mjaftueshme për me qenë të shqetësuar që me punua ma mirë edhe me pas koordinimin ma të mirë. Unë po i përmbledhë të gjitha vërejtjet e juaja në 4-5 pika që mos me shkua shumë gjatë, pra kemi keq menaxhimin e shpenzimeve ku kemi 330,736 euro të keq klasifikuara pastaj kemi numrin e madhe të ankesave 220 ankesa që vetëm 9 janë të arsyeshme, pastaj kemi problem e punëtorëve të emergjencës që punojnë, pastaj kemi pagesat para se të kryhen shërbimet që kjo vazhdimisht po na përcillet, pastaj kontrata pa sigurimin e mjeteve pra edhe kjo u bë si praktike me fjalë. Pra institucioni i fjalës kryeni ju punën pastaj unë do të jap paratë, pra një lloje marrëveshje e pune kryesit me stafin tuaj, pra kjo nuk është mirë pasi shtetit nuk funksionon ende si duhet me ligjet dhe rregullat që i ka por jo me institucionin e fjalës. Pra si përmbledhje e mora që janë këto vërejtje që auditori na ka dhënë vazhdimisht por si staf ende nuk është në gjendje me i përmirësua këto gabime apo vërejtje që janë, në mënyrë që mos me u përsëritë. Prandaj unë kisha dhënë si vërejtje që të punoni edhe më tepër, edhe t'i heqim edhe këto vërejtje sepse nëse këto përsëriten atëherë është një menaxhim i keq i komunës.

Masar Popaj – Përhëndetje për të gjithë. Shqyrtimi i raportit të progreseve për zbatimin e rekomandimeve 30 Shtator dhe 15 mars, sipas kërkesave të dala nga rregullorja e punës për zbatimin e auditimit dhe planeve të veprimit sipas zyrtareve të komunës 15 rekomandime janë të zbatuara, 4 janë të zbatuara pjesërisht dhe të tjerat do të zbatohen në vitin 2020. Megjithatë gjendja nuk qëndron kështu nga këto konstatime. Raporti i auditimit tone për vitin 2020, 15 rekomandime janë zbatuara, 2 janë të mbyllura, 20 janë në proces të zbatimit dhe 3 nuk janë ende.

Ali Zhuniqi – unë veç desha me kërkuar arsyen me pyetjen paraprake që bëra në fillim të seancës, së cila është arsyeja me ma dhanë përgjigjen në mbledhjen e ardhshme në lidhje me konkursin që është shpallur për lëndën e gjeografisë. Pasi të kryhen këto me shqetësimet që shprehen kolegët kuvendarë në lidhje me raportin e auditimit, kisha dashtë mundësisht me u përgjigje në lidhje me pyetjen.

Kryetari – Faleminderit shumë, falënderoj prezencën e familjareve të atdhetarit Ali (Bajram) Hasku dhe në mbledhjen rregullt të Kuvendit Komunal parashihet në rend dite të jetë edhe vendimi i komisionit të Kryetarit të Komunës për emërtimin e Muzeut të Qytetit, Ali (Bajram) Hasku. Faleminderit për diskutimet, në parim diskutimet ishin të frytshme, e vërteta është se pak ditë me herët të gjitha raportet prej se ka filluar auditimi i kam përcjellë sepse i kemi të publikuara në webfaqe. Vërtetë është se Auditorët e Jashtëm apo Zyra Kombëtare e Auditimit ka për detyrë se është kontrollë i lartë i shtetit dhe ka për detyrë me sfidua menaxhmentin apo institucionin drejtues dhe vazhdimisht do të ketë të gjetura, dhe këto të gjetura të cilat i kemi dhe këto rekomandime, që tash e kemi raportin e pasqyrave pra raportin e auditimit kombëtar për komunën e Rahovecit, pra raporti final ka me pak keq klasifikime, ka zbatim të rekomandimeve, ka rekomandime që po zbatohen pjesërisht nëse bahen krahasime me raportin e vitit të kaluar për vitin 2018, ka rekomandime të përsëritura të cilat nuk varen fare prej komunës së Rahovecit siç është fjala me zjarrfikësit. Në të gjitha komunat e Kosovës, pra në 38 komunat e Kosovës kanë rekomandim për zjarrfikësit, padrejtësisht se është një mekanizëm i presionit që e përdorë zyra kombëtare e auditimit që me gjasë vitin 2021 do të përfundon ky proces dhe më nuk do të ketë rekomandim për zjarrfikësit. Pra në nuk jemi autoriteti që vendosim për zjarrfikësit por është agjensioni i menaxhimit të emergjencave pra neve as dosjet e punëtorëve

nuk kanë obligim me na dhanë edhe pse i kemi kërkuar dhe mëzi i kemi sigurua. Për sa i takon planifikimit të buxhetit, që ju e dini mirë se planifikimin e buxhetit e bënë udhëheqja komunale pra ekzekutivi i komunës në bashkëpunim me Kuvendin e Komunës, Dëgjimet publike, debatet publike, Komiteti për Politikë dhe Financa etj. dhe nëse dikush thotë se ka planifikim të dobët të buxhetit që nuk është e vërtetë, pasi planifikimi është maksimalisht i mirë dhe në përputhje me rrethanat dhe mundësitë buxhetore dhe në përputhje me kërkesat në rritje dhe nevojat që i kanë në vazhdimësi qytetarët e komunës së Rahovecit. Nëse flasim për procedurën përmbartimore, që kush është jurist e din më se mirë këtë, pasi përmbartuesi nuk pyete ty pasi ku të gjene mjete të mira ti merre edhe na i ka marrë dhe nëse flasim për paga jubilarë sigurisht që na merr edhe pagat jubilarë sepse edhe këtu në Kuvend të Komunës ka arsimtarë që sigurisht ka edhe qindra të tjerë që dëshirojnë me respektua kontratën kolektive që është dëshirë edhe e jona dhe nuk kemi një zgjidhje shume të admirueshme dhe nuk kemi mundësi që të përballemi suksesshëm që ti paguajmë ne pagat jubilarë sipas kontratës kolektive mësimdhënësve. Dhe tash këtë përballje që ka komuna me kërkesat legjitime që i kanë mësimdhënësit që kërkojnë pagat jubilarë edhe janë që ti marrin pra ti marrin edhe me gjykatë edhe me përmbartuesin. Dhe unë jam për më krye punë e sigurisht me ju nderua edhe juve sepse jeni përfaqësues të zgjedhur edhe qytetareve që kërkojnë. Pra vazhdimisht le të me japin rekomandimin për mungesën e mjeteve financiare edhe për kontrata edhe me të mëdha. Pra unë nuk jam ardhë për me filozofua këtu por jam zgjedhë që me ju shërbye qytetareve për kanalizim, ujera të zeza, rrugëve pra projekteve të ndryshme të cilët ata kanë nevojë e për çka edhe na jemi të zgjedhur. Për 3 kontrata të cilat i përmendi Hanalora, e vërteta është një gabim i zyrës kombëtare të auditimit që e ka konstatua gabimin tonë, pra këto janë kontrata që financohen nga qeveria e Kosovës dhe ne kemi memorandumet të mirëkuptimit të nënshkruara edhe për rrugën katër korsi, edhe për rrugën Rahovec-Hamoc-Forresë edhe për rrugën Xerxë-Sopniq-Ratkoc. Ne i kemi të verifikuara me nënshkrime dhe të vërtetuara natyrisht me ligjin për buxhete dhe nëse nuk i kanë paraparë për këtë vite atëherë i parashohin për vitin 2021 dhe gabimi jonë është se pse ne nuk e kemi bërë komentimin që me saktësua këtë çështje. Pra ky rekomandim për këto 3 kontrata ose ky konkluzion ose kjo e gjetur realisht nuk ekziston për shkak se ne nuk financojmë nga buxheti komunal. Te planifikimi i të hyrave, natyrisht edhe tek sektori i tatimit në pronë ka nevojë për korrigjime dhe me ju përgjigj atyre ankesave që kanë dalë të bazuara ankesat e qytetareve. Vlerësimet për prona gjithmonë edhe natyrisht për çdo ditë ka nevojë për me u korrigjuar, pasi është një rutinë që ne e kemi trashëguar dhe vazhdimisht pasurohet sfondi edhe me prona të reja dhe mund të ketë gabime. Harroj me përmend drejtori i Financave se ne i kemi adresua rekomandimet e vitit të kaluar dhe nuk do të thotë që punimet e vitit të kaluar, që nëse i kemi pasur 21 nuk është krenari me i zvogëluar 14 sepse këto janë rekomandime për vitin 2019, e nuk janë rekomandime për vitin 2018 kurse ato që përsëriten atëherë ato janë gabime të menaxhmentit. Te 14 rekomandimet ne kemi bërë një plan të veprimit për adresimin e rekomandimit dhe unë mendoj e po dua me ju përgjigj asamblistit Masar Popajt, që asnjëherë kryetari i Komunës Smajl Latifi nuk ka thënë që ka me i plotësua të gjitha rekomandimet, pasi komuna jonë ka pasur edhe raport të modifikuar në periudhën 2000-2007 e madje edhe mohim të opinionit, pra komuna e Rahovecit ka raport nga Zyra Kombëtare e Auditimit edhe me mohim të opinionit pra komuna e Rahovecit ka raport nga Zyra Kombëtare e Auditimit por ka edhe raport edhe me kualifikim të çështjes pra të modifikuar me theksime të çështjes por fatkeqësisht e ka edhe një raport me mohim të opinionit pra nuk i ka plotësua as kriteret minimale për një menaxhim të mirë. Tash ne vitin e ardhshëm unë ju siguroj se raportin për vitin 2020 do të jetë edhe dy herë me i mirë se sa raportin për vitin 2019 që këtë duhet ta regjistroni mirë. Por ne e kemi marr me shume seriozitet me planin e veprimit me i adresua këto rekomandime të cilat janë për vitin 2019 dhe që munden me i adresua edhe gjate kësaj periudhe 6-mujore dhe unë besoj që 2021 kur ta trajtojmë në këtë kuvendë, raportin e Zyrës Kombëtare të Auditimit për komunën e Rahovecit ka me dal edhe dy herë me i mirë se sa raportin i këtij viti që ka ardh para jush pra 2019.

Afrim Limani – Kryetari i tha të gjitha edhe nuk të ju marr shume kohë, mirëpo e pash të arsyeshme me ju dhanë disa sqarime të cilat kryetari ndoshta nuk pati mundësi me i thanë. E para te keq klasifikimet pyetje që keni bërë pothuajse të gjithë, paraprakisht duhet ta dini një gjë, planifikimi i buxhetit është bërë në vitin 2017 dhe ky është raport i auditimit për vitin 2019. Për shkak të limiteve në kategorinë e mallrave dhe shërbimeve dhe nuk kemi pasur para të mjaftueshme atëherë jemi detyruar që një pjesë të shërbimeve të kategorisë mallra dhe shërbime ta qesim për planifikim për investime kapitale, pra kjo ekskluzivisht është për punëtorët shëndetësor që janë në shërbim të Caritasit dhe një pjesë tjetër është pagesa nga thesari përmes përmbarimeve. Në vitin 2019 ka filluar për herë të parë aplikimi i tatimit në pronën rezidenciale dhe si rezultat i kësaj softueri ka bërë shume gabime me adresimin në fatura p.sh. Unë jam i fshatit Çifllak dhe fatura jem ka ndodh që u shkua në Ratkoc apo dikun tjetër dhe pikërisht këtu dhe të auditori kanë rezultue edhe këto gabime. Normalisht që numri i ankesave kanë qenë krejt të pranuar sepse është një gabim teknik që u deshtë me punua. Pra këtu është fjala te tatimi në pronë e jo që nuk ka pasur regjistrime apo verifikime të pronës. Përsëritja e rekomandimeve ë e tha edhe doktori, e vërtet është se dy herë rekomandimet i kemi pasur të përsëritura dhe një rekomandim është te punëtorët e zjarrfikësit dhe kjo është një anomali pasi na punëtorët e zjarrfikësve i pagujmë nga buxheti i komunës se Rahovecit kurse këta janë punëtorë në kuadër të Ministrisë se punëve të brendshme edhe dosjen janë në kuadër të Ministrisë se Punëve të Brendshme. Ky rekomandim është i përsëritur dy herë dhe qasja jonë është e pamundur atje mirëpo lirisht mund të ju them se na e kemi dërgua planin e zbatimit të rekomandimeve të këtij viti në zyrën kombëtare dhe kjo si e gjetur nuk do të funksionoj sepse kemi arrit që në dosjet tona me mundësit tona të shkojmë edhe ti zbatojmë ato ,pra është një rekomandim i zbatuar. Po ashtu Masar Popaj e bëri një pyetje që realisht me obligon të jap një përgjigje, ku ne faqe 6 auditori e ka potencua shume mirë ku sipas auditorit të tri rekomandimet janë të zbatuara, dy janë të përfunduara dhe 13 të tjera janë në procese edhe ato që janë ne proces lirisht mund të them se janë të zbatuara ndërsa 3 rekomandime janë të paarritshme. Ato që kanë qenë në proces në këtë fazë ku jemi ne tash, ato janë të zbatuara.

Rasim Fazliu – Përshëndetje për të gjithë të pranishmit në sallë. Pothuajse të gjitha çështjet apo të gjeturat që auditori i ka identifikuar, që mbi 50% e auditimeve janë të vitit 2018. Unë desha me thënë që kjo e gjetur është lehtë mu heq, që me i tregua auditorit që për vitet në vijim me i bë auditimet për kohën që duhet pasi nuk ka efekt që me i bo auditimet e viteve të kaluara kështu që do t'i ndihmonte edhe menaxhmentit, komunës dhe të gjithëve nëse ata e kryejnë në kohën e duhur. Kjo ishte çështja që unë desha me diskutua edhe me ngritë.

Kryetari – Ndoshta i mbeta borxh dikujt pasi nuk ishte pretendimi me ju përgjigj të gjitha pyetjeve të adresuara sot pasi DKA-ja do ju përgjigjet, ju mund të shkruani pyetjen me shkrim dhe përgjigjen shume shpejt mund ta merrni me shkrim dhe nuk ka nevojë që me pritë për ne seancën tjetër, për shkak të kohës dhe jo për diçka tjetër. Po i përgjigjem pyetjes se shtruar z. Rasim Fazliu, pra ne nuk mund të ndryshojmë mendimin e auditorve të brendshëm pasi kanë mbetur me mënyrën e punës së vjetër qysh se kur ka fillua auditimi dhe kanë njëfarë strategjie totalisht të gabuar edhe këtë kam kërkuar edhe ne mandatin e parë dhe sipas tyre se ligji e thotë se kështu duhet të veprojmë. Për mua nuk ka funksionuar as atëherë kurse tash nuk ka me funksionua hiq dhe unë nuk e pranoj mo një rekomandim të përsëritur që auditorët e brendshëm me auditua komunën e Rahovecit pastaj drejtoritë komunale departamentet që me i auditue se çka ka ndodhur para dy vite. Por ata duhet që krejt puna e tyre, strategjie e punës se tyre duhet me qenë në funksion të ndihmës së menaxhmentit të drejtuesve të komunës se Rahovecit. Besoj që ata e kanë kuptuar se ligji nuk ka mbet si para 15 vite, por ligjet ndryshojnë, udhëzimet ndryshojnë, kërkesat ndryshojnë, nevojat ndryshojnë kështu nevojë imediate që Auditori i Brendshëm me na ndihmua neve. Auditori i jashtëm ka për detyrë me na kontrollua neve se a kemi punuar mirë apo keq kurse Auditori i Brendshëm duhet me parandalua që mos me bo veprime të gabuara. Edhe unë pajtohem plotësisht me ato që tha dhe që është shqetësim i Rasimit dhe i gjithë

asamblistëve dhe i drejtuesve të udhëheqjes komunale edhe besoj që nuk ka me u përsërit më në komunën e Rahovecit.

Sali Sallteku - Unë kërkoj mirëkuptimin tuaj, që për shkak të respektit të familjes Hasku, propozoj që të shkojmë me pikën rreth emërimit të Muzeut të qytetit „Ali (Bajram) Hasku,,.

5. Shqyrtimi dhe aprovimi i propozim vendimit të Kryetarit të Komunës për emërtimin e Muzeut të Qytetit „Ali (Bajram) Hasku,,.

Kryetari - Faleminderit shumë, falënderoj edhe njëherë praninë e familjareve të ish të burgosurit politik, veteranit të arsimit, atdhetarit të shquar nga komuna e Rahovecit Ali (Bajram) Hasku, i cili ka përjetuar drama, vuajtje përjetime në shërbim të kauzës së çlirimit të Kosovës nga pushtuesi sllav. Është mirë që komisioni për emërtimet në bashkëpunim me drejtorinë e Urbanizmit dhe drejtorinë e Kulturës dhe në pajtim të plotë me Kryetarin e Komunës dhe ekzekutivin ka propozua një emër të nderuar, për ta nderuar Komunën tonë dhe Muzeun e Qytetit të Komunës tonë, me emrin e një veprimtari, patrioti, ish të burgosuri politik, një veterani të arsimit i cili ka rrezatuar jo vetëm në komunën tonë por veprimtaria e tij dhe rrezja e veprimit të tij kalon kufijtë administrativ të Komunës tonë. Ishte një patriot i çmuar në nivel kombëtar që ka marr mirënjohje, medalje, dekorata dhe tituj nderi edhe nga Komuna e Pejës dhe Presidenti i Republikës së Shqipërisë në atë kohë z. Sali Berisha. Është nder i madhe që Kuvendi i Komunës së Rahovecit, anëtarët e kuvendit komunal në pajtueshmëri të plotë kanë propozuar që ta zgjedhin për ta emërtuar Muzeun e Qytetit të Komunës së Rahovecit, me emrin Ali (Bajram) Hasku. E di që ka diku një rrugë por besoni që është e pamjaftueshme për të qenë mirënjohës e falënderues për kontributin e madhe që ka dhënë ky njeri ky patriot, ky ish i burgosur, ky veteran i arsimit dhe veteran i patriotizmit Ali (Bajram) Hasku. Pra është mirë që Komuna jonë ka rastin sot për ta nderuar një pinjollë të lirisë që gjithë jeta e tij ka qenë dramë vuajtje dhe kauzë për lirinë e atdheut. Përveç mirënjohjes dhe falënderimit për kontributin e madhe që ka dhënë i ndjeri, patrioti, ish i burgosuri për disa herë, veterani i arsimit, patrioti që për disa dekada ka dhënë kontribut për çështjen dhe të mirën e përgjithshme emërtohet Muzeu i Qytetit, e sigurisht edhe drejtohesha ka i thanë disa fjalë dhe është shumë mirë edhe prezenca e familjareve këtu dhe njerzit me afërm e tij dhe që kanë kontribuar që ta kemi edhe një momentum të mirë dhe që me një vendim solemn unanim ta pagëzojmë Muzeun komunal të Qytetit me emrin Ali (Bajram) Hasku.

Bjondina Kleqka – Faleminderit kryesues, përshëndetje Kryetar, nënkryetar, të nderuar këshilltarë dhe gjithë ju të pranishëm. Para jush e keni propozimin i cili ka ardhur nga Kryetari i Komunës përkatësisht nga Komisioni për emërtimin e rrugëve, shesheve dhe institucioneve komunale për emërtimin e muzeut të qytetit me emrin e personalitetit të shquar të çështjes kombëtare dhe veteranit të arsimit Ali (Bajram) Hasku. Po ashtu bashkangjitur me propozimin e gjeni edhe një historik të shkurtër për jetën dhe veprimtarinë e tij. Emërtimin e muzeut të qytetit me emrin e atdhetarit Ali (Bajram) Haskut, i cili punojë si mësimdhënës në shume treva shqiptare dha kontribut të madhe në zgjedhjen e çështjes kombëtare në trevat e ish Jugosllavisë, për çka edhe shume shpesh u burgosë dhe u persekutua, do të i bënte nder Komunës së Rahovecit dhe vendit tonë, familjareve e sidomos kulturës shqiptare., prandaj presim rekomandimet dhe aprovimin tuaj.

Ali Morina – Faleminderit kryesues, i nderuar Kryetar, nënkryetar, drejtor të drejtorive komunale, te nderuar kolegë asamblistë, e nderuara dhe shume e respektuara familja Hasku. Grupi parlamentar i AAK-së i japim mbështetje këtij propozimi.

Fehmi Cena – Propozimit për emërtimin e Muzeut të qytetit me emrin e atdhetarit Ali (Bajram) Hasku është i qëlluar dhe i arsyeshëm. Emri Ali Hasku është i njohur për neve qysh nga bankat shkollore përmes mësuesve, nga baballarët tani si intelektual, si mësues lirisdashës, patriot dhe i përndjekur politikisht nga pushteti jugosllav. Atë do ta kujtojmë gjithmonë si njëri me vlera të larta intelektuale, lirisdashëse e patriotike nga treva jonë. Emërtimi i muzeut të qytetit me emrin Ali (Bajram) Hasku i bën nder qytetit të Rahovecit,

komunës tonë dhe gjithë shoqërisë. Prandaj edhe ne emër të grupit të delegateve nga Lidhja Demokratike e Kosovës e përkrahim plotësisht këtë.

Rasim Fazliu – Faleminderit kryesues, fillimisht edhe unë përshëndes familjen e atdhetarit Ali (Bajram) Hasku. Gjithashtu edhe ne ndihemi të privilegjuar që na është dhënë rasti që me nderua emrin e muzeut me emrin e atdhetarit dhe veprimtarit të çështjes kombëtare Ali (Bajram) Hasku. Kështu që në emër të grupit të PDK-së e mbështesim propozimin e kryetarit për emërtimin e muzeut të qytetit me emrin Ali (Bajram) Hasku.

Dervish Çadraku – Faleminderit kryesues, kur pash familjen e veprimtarit të shquar Ali (Bajram) Hasku dhe u ulen prapa nesh këtu në sallë të Kuvendit, u kthye kujtesa prapa kur isha fëmijë në shkollën fillore, por prindi im më ka folur atëherë për Ali Haskun si patriot e atdhetar i Rahovecit, i cili detyrimisht ka ikur atëherë nga Rahoveci dhe ka shkuar në Pejë, për një burrë të fortë, trim, atdhetar i cili ka dhënë shumë për Rahovecin, për Kosovën dhe çështjen kombëtare dhe është nder për Rahovecin, për neve dhe për gjithë atdhedashësit që ta ketë këtë emblemë komuna jonë në vendin ku e kemi parapërcaktuar prandaj ne si grup parlamentar i Vetëvendosjes e përkrahim dhe jemi shumë dakord për këtë.

Kryesuesi – Faleminderit shumë z. Çadraku, të nderuar kuvendarë tani e qesim në votim. Konstatoj se unanimisht aprovohet pika e tetë e rendit të ditës, pra shqyrtimi dhe aprovimi i propozimit të Kryetarit pra emërimin e muzeut të qytetit të atdhetarit të shquar Ali (Bajram) Hasku. E nderuar familje Hasku, faleminderit shumë për prezencën tuaj! Kalojmë në pikën e pestë të rendit të ditës:

6. Shqyrtimi dhe aprovimi i Propozim vendimit të Kryetarit të Komunës për dhënien në shfrytëzim afatshkurtër të pronës komunale P-71510057-07998-0 në Rahovec.

Afrim Oruqi – Faleminderit Kryesues, i nderuar kryetar, nënkryetar, të nderuar anëtare të kuvendit komunal të Rahovecit. Sipas ligjit në fuqi, para jush keni propozim vendimin të kryetarit të komunës për dhënien në shfrytëzim afatshkurtër prej 1-15 vite të pronës komunale shtetërore në zonë kadastrale në Rahovec me sipërfaqe prej 25 ari e 77 m². Qëllimi i dhënies në shfrytëzim afatshkurtër është ruajtja dhe rritja e vlerës komunale me mundësi që qytetet e komunës tonë të vetëpunësohen. Afati kohor për dhënien e pronës është prej 1-15 vite. Komuna e Rahovecit do të përkujdeset që pas procedurave të ankandit publik të shkruaj një kontratë me përfituesin. Çmimi fillestar i pronës është i përcaktuar sipas rregullores. Obligohet drejtorja e Bujqësisë dhe Gjeodezisë që pas përfundimit të procedurave të ankandit publik të kryejë procedurat tjera obligative. Ftojë anëtarët e kuvendit që pas shqyrtimit të vendimit, të aprovoje vendimin e kryetarit të Komunës për dhënien në shfrytëzim afatshkurtër të pronës komunale.

Kryesuesi – Faleminderit drejtor, ne gjithsesi e kemi trajtuar këtë pikë në Komitetin për Politikë dhe Financa dhe kemi rekomanduar ë për të tri pikat të i rekomandohet kuvendit për 10 vite. E qesim në votim pikën e 5-të të rendit të ditës. Konstatoj se unanimisht aprovohet pika e 5-të e rendit të ditës. Kalojmë në pikën e gjashtë të rendit të ditës:

7. Shqyrtimi dhe aprovimi i Propozim vendimit të Kryetarit të Komunës për dhënien në shfrytëzim afatshkurtër të pronës komunale P-71510057-04475-0 në Rahovec.

Afrim Oruqi – Edhe kjo parcelë gjendet në aksin rrugor Rahovec- Malishevë, në vijë ajrore 300 m mbrapa ordinancës së Dr. Avdyllit në brendësi të zonës. Qëllimi i dhënies së pronës është ruajtja dhe rritja e vlerës së pronës komunale dhe punësimi i njerëzve që i marrin me qera ato prona. Afati kohor për dhënien e pronës është 10 vite. Komuna e Rahovecit e ruan të drejtën që në çdo kohë të shkëputë kontratën të cilën do ta formoj kryetari me fituesin. Çmimi caktohet sipas rregullores. Ftojë anëtarët e kuvendit që të aprovojnë propozim vendimin e kryetarit të Komunës për dhënien në shfrytëzim afatshkurtër të pronës komunale.

Kryesuesi – Faleminderit Drejtor, gjithashtu edhe kjo pikë është trajtuar në Komitetin për Politikë dhe Financa. Edhe këtë pikë e qesim në votim. Konstatoj se unanimisht aprovohet edhe pika e gjashtë e rendit të ditës. Kalojmë në pikën e shtatë të rendit të ditës:

8. Shqyrtimi dhe aprovimi i Propozim vendimit të Kryetarit të Komunës për dhënien në shfrytëzim afatshkurtër të pronës komunale P-71510057-04381-0.

Afrim Oruqi – Faleminderit kryesues, të nderuar anëtare të Kuvendit. Para jush keni propozim vendimin e kryetarit të komunës për dhënien e pronës me qera prej 10 vite. Prona gjendet në zonën kadastrale në Rahovec me numër 04381-0 me sipërfaqe 12 ari e 8m2. Qëllimi i dhënies së pronës është ruajtja dhe rritja e vlerës. Kjo pronë gjendet skaj rrugës që shkon për fshatin Potoqan. Vija ajrore prej Jaha petrol është 1 km në brendësi të zonës. Komuna e Rahovecit e ruan të drejtën që në çdo kohë të ndërpres kontratën me përfituesit e kësaj prone. Çmimi fillestar i pronës caktohet sipas rregullores në fuqi. Obligohet kryetari i komunës që pas përfundimit të procedurave të ankandit publik të nënshkruaj kontratë me përfituesit e kësaj pronë. Ftojë anëtarët e kuvendit komunal që të votojnë propozim vendimin e kryetarit. Faleminderit

Kryesuesi – Faleminderit shumë drejtor, edhe kjo pikë sikur dy të tjerat do të jepet në shfrytëzim për 10 vite. E qesim në votim pikën e shtatë të rendit të ditës. Konstatoj se unanimisht aprovohet pika e shtatë e rendit të ditës. Kalojmë në pikën e nëntë të rendit të ditës:

9. Shqyrtimi dhe aprovimi i propozim vendimit të Kryetarit të Komunës për shfuqizimin e vendimit 01-Nr.90/20 të datës 29.07.2020 për dhënien në shfrytëzim afatgjatë.

Kryesuesi – Të nderuar anëtarë të Kuvendit, për shkak të një problemi teknik të procedurave tek vendimi që e keni pasur edhe ju në material të shkruar edhe për këtë mbledhje na kërkohet vetëm aprovimi i shfuqizimit të atij vendimi. Ndërsa në mbledhjet e radhës e shohim dhe e aprovojmë. E qesim në votim pikën e nëntë të rendit të ditës. Konstatoj se unanimisht aprovohet pika e nëntë e rendit të ditës.

Ali Zhuniqi – Për shkak të konsideratës të familjes Hasku që ishin prezentë në nderim të emërimit të Muzeut të qytetit nuk desha me replikua me kryetarin lidhur me konkursin por më duhet me ja sqarua në lidhje me përgjigjen që nuk ma dha. Sipas informacioneve që posedojmë dhe të cilat janë të supozuara, ne të njëjtën pozite kemi një person me emrin Silvana Kastrati që vjen nga një fshat i komunës së Rahovecit që për njëjtën pozite është siguruar vendi. Kështu që kjo është gjendja që për shkak të konsideratës dhe prezencës së familjes Hasku nuk desha të replikoj me kryetarin.

Kryesuesi – Gjithsesi unë po dua me ju falënderua për kontributin jo vetëm të z. Zhuniqi por të secilit deputet që nëpër mbledhje që po kemi po dakordohemi për rrethana e situata të cilat po na krijohen. Është e vërtetë z. Zhuniqi që pyetjet e kuvendareve duhet me dhanë përgjigje por është e drejtë edhe e drejtorëve e ekzekutivit që të adresojnë në ditët në vijim, që është gjithçka legjitime. Unë ju falënderoj të gjithëve për kontributin tuaj! Mirë u pafshim për mbledhjen e radhës!

01 Nr. 104/20
Rahovec, 29.09.2020

Procesmbajtësi:

Agim Hoti

